



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. IV. Vtrum sit de essentia cuiuslibet peccati esse contra legem æternam?

[urn:nbn:de:hbz:466:1-77355](#)

in bonitate & malitia: Ergo &c.

47. Huic instantia variè respondent Authores, sed vera solutio est quam D. Thomas ibidem tradit in resp. ad 3. ubi sic ait: *Dicendum quod habitus est causa actus in genere cause finalis, secundum quam consideratur ratio boni & mali; & ideo in bonitate & malitia actus preeminet habitui. Igitur juxta hanc D. Thome doctrinam tunc solum effectus habet perfectius esse vel èquè perfectum in sua causa effectiva, quam in se, quando talis effectus non est simul causa finalis ipsius cause effectivæ; & ideo calor perfectius esse habet in Sole; & omnes creature in Deo, quam in seipsis, quia ita sunt effectus Dei & Solis, ut non sint eorum causa finalis: Quando vero effectus simul est causa finalis, perfectius habet esse in se, quam in illa causa effectiva, cuius est finis; nam finis semper est potior tam in bono quam in malo iis que sunt ad finem, quia secundum causam finalem ratio boni & mali moralis consideratur. Unde quia actus honestus ita est effectus habitus virtutis, ut simul sit causa finalis illius, in morali bonitate illum excedit.*

48. Instabat: Licet actus secundus sit causa finalis habitus, debet tamen tota ejus perfectio & actualitas, in aliquam causam efficientem in qua contineatur, reduci: Sed non potest talis perfectio vel actualitas in aliam causam efficientem, quam in habitum vel potentiam à qua actus producitur, reduci: Ergo debet in habitu vel potentia talis perfectio vel actualitas virtuiter contineri, & per consequens causa effectiva debet esse ita perfecta, sicut finalis, & habitus, sicut actus secundus.

49. Respondeo concessâ Majori, negando Minorem: licet enim major illa perfectio & actualitas actus secundi, in aliquam causam efficientem reducenda sit, non tamen in potentiam vel habitum, cuius est causa finalis, sed in causam primam, respectu cuius talis actus nullo modo est finis, sed habet duntaxat rationem effectus. Solutio est D. Thome infra quest. 79. art. 2. in corp. ubi sic discurrat: *Onnis actio causatur ab aliquo existente in actu, quia nihil agit, nisi secundum quod est actu: omne autem ens actu reductum in primum actum, scilicet Deum, sicut in causam, que est per suam essentiam actus: unde relinquitur quod Deus sit causa omnis actionis, in quantum est actio. Major ergo illa perfectio & actualitas quâ actio potentiam & habitum excedit, in actualitatem divinæ motionis, quâ omnis causa secunda ad agendum movetur & applicatur, & de actu primo ad actum secundum reducitur, juxta doctrinam D. Thomæ, debet ut in causam efficientem reduci: cum enim omnis causa secunda potentialis sit, vel potentialitati admixta, non potest talem actualitatem causare, nisi virtute & motione Dei, qui est actus purus, prius saltem naturâ imbuatur, subindeque nisi ad agendum præmoveatur & prædeterminetur, ut in tractatu de actibus humânis fûse ostendimus.*

A

ARTICVLVS IV.

Vtrum sit de essentia cujuslibet peccati esse contra legem eternam?

S. I.

Quibusdam premisis, conclusio affirmativa statuitur.

B **N**O T A N D M primò ex D. Thoma infra quest. 91. art. 1. quod lex eterna est ratio agendorum à creatura rationali, in mente divina existens: cum enim lex nihil aliud sit (ut ibidem ait S. Doctor) quam *dilectio practice rationis, existens in Principe qui gubernat aliquam communiam perfectam, manifestum est* (subdit) *supposito quod mundus divinâ regatur providentia, quod tota communia universi gubernatur ratione divinâ; & ideo ipsa ratio gubernatio rerum, in Deo, sicut in Principe universitatis existens, legis rationem habet: & quia divina ratio nihil concepit in tempore, sed habet eternum conceptum, inde est quod hujusmodi legem oportet dicere eternam. Quomodo autem hæc eterna lex differat à providentia divina, di-* Disp. 2. *§. 2.* *ximus in tractatu de voluntate Dei.*

C Notandum secundò, omnes alias leges, sive divinas, sive humanas, à lege eterna derivari, & in virtute ejus vim obligandi, prohibendi, & præcipendi habere: juxta illud quod de se ait divina Sapientia Proverb. 8. *Per me reges regnant, & legam conditores justa decernunt. Unde si peccatum sit contra aliquam legem divinam vel humanam, immediate, erit etiam mediata contra legem eternam, à qua leges illæ ut rivuli à fonte promanant.*

D Notandum tertio, legem dividi in naturalem & positivam. Lex naturalis est ipsum naturale lumen practice rationis, signatum in mentibus nostris, juxta illud Psal. 4. *Signatum est super nos lumen vulnus tui Domine. Unde Ambrolius lib. 5. de paradise cap. 14. ait quod talis lex non inscribitur, sed innascitur: nec aliqua lectione percipitur, sed proflo quodam natura fonte in singulis exprimitur. Sicut enim in intellectu speculativo dantur quædam principia naturaliter nota, ut *Bonum est faciendum, & malum fugiendum, & similia*, quæ sunt mensura & regula nostrarum operationum. Lex positiva est, quæ sub expressis verbis est posita, & subdividitur in divinam & humanam. Lex divina à Deo est posita, & in sacra Scriptura, vel sacris traditionibus continetur: lex vero humana est posita à Principe alicujus reipublice; unde dividitur in Ecclesiasticam, positam ab aliquo Ecclesiæ Prælato; & Civilem, ab aliquo Principe seculati latam.*

E Notandum quartò, seu potius supponendum, quod de facto certum est, omne peccatum esse contra aliquam legem: nullum enim est assignabile, quod lege divina vel humana, positiva aut naturali, non sit prohibitum. Unde cum D. Thomas infra qu. 88. art. 1. ait peccatum veniale non

Z z iii

323

DISPUTATIO PRIMA

- A
- esse contra legem, sed præter legem, non loquitur de ipsa lege per quam immediate prohibetur; sed de lege qua necessariò observari debet ad subsequendam æternam salutem, ut magis infra patebit. His præmissis: pro resolutione difficultatis propositæ,
54. Dico, essentiale esse cuilibet peccato, quod sit contra legem Dei æternam: unde si per impossibile lex æterna deficeret, vel id quod modò est peccatum, non esset ab ea prohibitum, eo ipso non haberet formaliter rationem peccati, neque mali moralis, sed initiativè tantùm & fundamentaliter. Est contra Vazquem h̄c disputat. 97. & quosdam alias Recentiores, negantes esse de ratione peccati, in his qua sunt intrinsecè mala, quod sit contra aliquam legem, & afferentes essentialem peccati rationem desuimi ex oppositione ad natum rationalem, nullo habito respectu ad legem.
- B
55. Probatur primò ex Scriptura & SS. Patribus: Psalmo 118. dicitur, *Prævaricantes reputari omnes peccatores terra*: Atqui si non esset essentiale omni peccato, quod esset contra aliquam legem, omnes peccatores non possent dici prævaricantes; quia prævaricatio est contra legem, seu recessus à lege, ut docent Ambrosius serm. 16. in hunc locum, & Augustinus concione 25. in hunc Psalmum: unde Apostolus ad Rom. 4. ait: *Vbi non est lex, nec prævaricatio*: Ergo essentiale omni peccato esse contra aliquam legem, subindeque contra legem Dei æternam, a qua omnes alia leges derivantur, & vim obligandi habent, ut notabili 2. ostendimus
- C
- Hanc rationem tangit Augustinus loco citato, ubi sic discurrevit: *Si prævaricantes sunt omnes peccatores terra, nullum est utique sine prævaricacione peccatum: nulla est autem prævaricatio sine lege: nullum est igitur nisi in lege peccatum*. Simili discurso utitur Ambrosius lib. 1. de paradiſo cap. 8. dicens: *Non enim consistet peccatum, si interditio non fuisset: quid enim est peccatum, nisi divina legis prævaricatio, & caleſtium inobedientia præceptorum?*
- D
56. Probatur secundò conclusio ex definitione peccati, quam ex Augustino tradit D. Thomas h̄c art. 6. ubi docet peccatum convenienter definiri, *Dictum, vel factum, vel concupiscentia contra legem æternam*: Ergo de ratione & essentia omnis peccati est, quod sit contra talēm legem: definitio enim, si sit legitima, debet explicare naturam & essentiam rei, & ea que per se & necessariò, non verò qua per accidentem tantum seu accidentaliter ei convenienti.
- E
57. Probatur tertio: De ratione omnis peccati est ut sit contra dictamen rationis, & idcirco habet esse peccatum, quia est contra tale dictamen: Sed dictamen rationis est ipsa lex naturalis, qua est participatio legis æternæ: Ergo de ratione omnis peccati est quod, mediate saltē, sit contrarium legi æternæ. Major est certa: quia omnis moralitas sumitur per ordinem ad rationem, qua est proxima regula actuum moralium: unde sicut bonitas moralis constituit in conformitate actus cum ratione, ita malitia confitere debet in disformitate vel disconvenientia ad illam, seu in hoc quod sit contra ejus dictamen: quare si aliquis per errorem invincibilem judicaret h̄c & nunc licere sibi facere aliquid quod est de se malum, v.g. mentiri ad tuendam vitam proximi, aut furari ad tribuendam eleemosynam, non peccaret tales
- actus elicendo, quia in tali casu nullum est dictamen rationis illos prohibens. Minor verò est D. Thomæ infra qu. 91. art. 2. ubi ea ratione probat dari in nobis legem naturalem ex impositione legis æternæ, quia datur dictamen & lumen rationis, discernens quid sit bonum & quid sit malum, quid faciendum vel non faciendum: de quo lumine dixit Psalmista: *Signatum est super nos lumen vultus tui Domine*, id est lumen & vultuo derivatum. Et sanè nisi hujusmodi lumen & dictamen rationis dicamus legem naturalem, non appetet quid in creatura rationali, ut tali, habeat rationem legis naturalis, ut consideranti patebit. Unde falsum est quod dicunt Adversarij, nempe tale dictamen se habere solū per modum cuiusdam judicij enunciantis quid faciendum sit, vel non faciendum, non verò per modum legis præcipientis aut prohibientis: nam iudicium illud non est mere speculativum, sed practicum, inducens ac movens ad aliquid agendum, vel non agendum, subindeque imponens obligationem, vel eam notificans; quod sufficit ad rationem legis.
- F
- Confirmatur: Vel iudicium rationis dictans v. g. parentes esse colendos, vel non esse mentiendum, movet per modum præcepti, vel solū per modum consilij: Hoc secundum dici non potest: quia ad peccandum non sufficit consilium de aliquo actu faciendo, vel de eligendo oppositum; alias omittere qua cadunt sub consilio, esset peccatum: Ergo dicendum est primum, & ita nihil deerit prædicto iudicio ad rationem legis.
- G
- Denique suaderi potest conclusio ratione D. Thomæ h̄c art. 6. Peccatum, quodcumque illud sit, est malum morale: Sed malum morale essentialiter importat disformitatem seu disconvenientiam ad rectam rationem, & legem æternam: Ergo & quodcumque peccatum. Major patet, Minor probatur. *Actus humanus* (inquit S. Doctor) *habet quod sit malus* (moraliter) *ex eo quod caret debita commensuratio: omnis autem commensuratio cuiuscumque rei attenditur per comparationem ad aliquam regulam, à qua si diversit, incommensurata erit*. Regula autem voluntatis humana est duplex: una propinqua & homogenea, scilicet humanaratio: alia verò est prima regula, scilicet lex æterna, qua est quasi ratio Dei. Ergo actus moraliter malus, essentialiter importat disformitatem seu disconvenientiam ad rectam rationem, & legem æternam.
- H
- Confirmatur ex eodem Doctore Angelico qu. 2. de malo artic. 3. De moralibus, servatā proportione, philosophari debemus sicut de artificialibus: Sed in genere artificialium nullus intelligitur defectus, nisi per oppositionem ad regulas artis: Ergo nec in genere moris potest intelligi aliquid esse defectuosum, nisi per oppositionem ad regulas morum, qua ut diximus, sunt humana ratio, & lex æterna; subindeque essentiale est cuilibet peccato, quod sit contra legem Dei æternam.
- I
- S. II.
- Precipua objectio solvitur.
- J
- CONTRA istam conclusionem objiciunt Adversarij: Omne peccatum est malum, quia prohibitum: Sed quosdam peccata sunt prohibita, quia sunt secundum se mala, ut

DE NATVRA VITIET PECCATI.

367

mendacium, & odium Dei; Ergo in his prius A est quod sint mala & peccata, quam quod lege divina vel humana prohibeantur.

Confirmatur: Illa qua prohibentur quia mala, adhuc esse mala, quamvis non prohiberentur; semper enim odium Dei v. g. sine prohibitione sit, sine non prohibitum, habet rationem mali: Ergo ut sint mala, non dependent necessariò à prohibitione legis.

63. Huic argumento responderet D. Thomas hic art. 6. ad 4. Cùm dicitur quod non omne peccatum id est malum, quia est prohibitum, intelligitur de prohibitione facta per jus positivum. Si autem referatur ad ius naturale... tunc omne peccatum est malum, quia est prohibitum. Per B quod patet ad confirmationem: nam illa qua jus positivum prohibet, quia mala, prius per legem naturalem fuerant prohibita; & ideo ex vi istius prohibitionis remanent mala, quamvis jus positivum non accederet.

Instabis: Mendacium & odium Dei sunt quid intrinsecè malum moraliter, non solum antecedenter ad legem positivam, & independenter ab illa, sed etiam antecedenter ad legem naturalem, imò & ad legem aeternam: nam pro illo priori, in quo divinus intellectus per scientiam simplicis intelligentiae cognoscit odium Dei præcisè secundum predicata essentia, vere cognoscit illud ut oppositum sua bonitati, & ut avertens ab ea creaturam rationalem, ipsique creatura rationali disconveniens & dissonum; idem dicendum de mendacio: Ergo actus secundum se mali, sunt peccata independenter à lege naturali, & à lege aeterna, & antecedenter ad illas, subindeque non est essentia peccati, quod sit legi aeternae contrarium.

64. Confirmatur: Licet per impossibile nulla esset lex aeterna, nec ullus Deus, adhuc mendacium esset malum morale, & consequenter peccatum, per hoc præcisè quod est contrarium naturæ rationali: Ergo non est essentiale peccato quod sit contra legem Dei aeternam.

65. Huic instantia, qua est pricipium fundatum adversæ sententiae, responderetur cum Salmanticensibus: Mendacium, odium Dei, & alios actus secundum se malos, antecedenter ad legem naturalem, & ad legem aeternam, non esse mala & peccata formaliter, sed initiativæ tantum & fundamentaliter; quatenus ex se, & ab intrinseco sunt determinati, ut à lege aeterna, subindeque à lege naturali, quia est ejus participatio, discordent & devient; & apta nata, ut per illam prohibeantur, post cujus prohibitionem erunt mala & peccata formaliter & completive. Ex quo patet responsio ad confirmationem: si enim lex aeterna, subindeque omnes aliae leges tollerentur, mendacium non esset malum morale, nec peccatum, formaliter & completive, sed fundamentaliter tantum & initiativæ; quia esset contrarium naturæ rationali, & ex se ac ex sua natura aptum, ut prohiberetur à legibus, si ponerentur. Sicut si omnes artis regulæ destruerentur, in genere artificialium nullum esset peccatum formaliter, sed tantum fundamentaliter; quia in genere artificialium nullus intelligitur defectus, nisi per oppositionem ad regulas artis, ut supra ex D. Thoma dicebamus.

66. Queres in quo consistat malitia hæc initiativa & fundamentalis?

Respondeo cum predicatis Authoribus, ipsam

consistere in eo quod aëtus ab intrinseco mali secundum se repugnat alicui ex divinis perfectiōnibus, ut odium Dei summæ bonitati, mendacium primæ veritati, furtum summae justitiae & æquitati; hæc enim contrarietas & repugnatio est ratio & fundamentum, cur Deus per legem aeternam & naturalem hujusmodi actus prohibeat: nam sicut Deus est necessariò determinatus ad diligendum sua divina attributa, sic necessariò est determinatus ad odio habendum, & prohibendum lege aeternâ, quicquid praeditis attributis contrariatur.

Ex his facilè intelliges quid velit D. Thomas hic art. 6. ad 4. dum ait quod omne peccatum, ex hoc ipso quod est inordinatum, legi naturali repugnat: per hoc enim non intendit concedere peccato ante prohibitionem juris naturalis malitiam formalē & completivam, sed fundamentalem tantum & initiativam, jam à nobis exppositam, quæ est ratio & fundamentum cuius legi aeternæ & naturali repugnat.

ARTICVLVS V.

Vtrum sit essentiale peccato quod sit injuria seu offensa Dei?

C **E**XTRA controversiam est, peccatum esse aliquo modo contra Deum, & offendam illius: non quod effectivè ei noceat; si enim peccaveris (inquit Job) quid ei nocebis? & si multiplicata fuerint iniquitates tuae, quid facies contra eum? sed quia nocet in affectu peccantis: omnis enim qui mortaliter peccat, vellet quantum est ex parte effectus saltem interpretativi, Deo malum inferre, illumque honore debito privare, si hujusmodi documenti esset capax; in quo ipso, secundum prudentem estimationem, injuriam ei irrogat, & Deus ipse reputat se ab illo offendum. Unde Judith cap. ii. dicitur: *Constat Deum nostrum peccatis offendum.* Et in Scriptura passim peccata dicuntur *offensiones, iniustitia, injuria, &c.* Quaritur ergo an ratio illa injuria, seu offensa Dei, per se & essentia liter, aut per accidentis tantum, seu accidentaliter peccato conveniat? Pro resolutione

D Ico, esse essentiale peccato, quod sit injuria & offensa Dei.

E Probatur breviter: Peccatum formaliter quatenus tale, & ex propria sua ratione, habet esse contra legem aeternam, ut articulo precedenti probatum est: Ergo ex propria sua ratione habet quod sit injuria, seu offensa Dei. Consequens probatur: nam qui sciens & volens transgreditur legem ab aliquo impositam, verè offendit ipsum legislatorem; quia ejus voluntati contradicit, eique debitam subjectionem & obedientiam denegat.

Deinde, peccatum non solum Deo ut legislatori contrariatur, tollens ab eo debitam subjectionem & obedientiam, sed etiam ipsum offendit, ut iustum judicem, non timendo ejus pœnam & supplicium; ut testem, non reverendo ipsius presentiam; ut supremum & summum dominum, dñegando ei servitutem debitam; ut amicum & benefactorem, exhibendo se ei inimicum & ingratum, & abutendo ipsius beneficiis; ut primam causam, ac primum principium, utendo ipsius concursu ad peccandum; & denique ut sumnum bonum, & ultimum &

69.
Cap. 35.

70.

71.